

Duh'anh Makit Bangdoi Vunzguhnaz Laisou

Mboengqneix, bouxraiz bae daengz suen makit Duh'anh Yauzcuz Swciyen Yaau Cin Lungzba Cunh Mbanlungzleij ranzgungzhoj Mungz Gaiminj, "Sieng mbouj daengz, vunzguhnaz aeu makit ndanggaeuq ndaem haenx daeuj guh laeuj makit, vunz ndaw singz hix gyaezmaij." Mungz Gaiminj gvanbaz ceij suen makit naeuz.

Aen yienh neix Yaau Cin Lungzba Cunh Mbanlungzleij dwg diegbya dieg rin okhingz, najdieg 1735.5 moux, ndawde najdieg rinsa miz daengz 1602 moux. Aen yienh neix cujcz boughingghi lajmbanj, ranz dajndaem lai, ciennieb hozcozse daengj guh biucinjvaq swnghcanj, doenggvaq caizcwnj ciengj bouj, bangfuz ngaenzcienz daengj fuengsik gujli, haeujcoengh nungzhoh haenqrengz diuzcingj dajndaem dajciengx gezgou hwnghat canjnieb, cauhaeb gij vunqsik "cwnghuj cujdauj +

bangfuz ngaenzcienz + hozcozse + ranzgungzhoj", haenqrengz ndaem makitbwn daengj canjnieb, saedyienh le hwnghat canjnieb, ceihleix dieg byarin, ranzgungzhoj miz souhaeuj daengj yaujoj.

Vihliux hwnghat makit canjnieb ndei, aen yienh neix haenqrengz doicaenh hwnghu dieg guhyienh haed-sim nungzyez miz daegsaek daihneix makit canjnieb, aen dieggoek guhyienh canjnieb banggungz makitbwn Duh'anh Yaau Lungzleij, aeu ndaem makitbwn, gyagong caeuq vwnzva laeuj makit, vwnzva minzsuz ndeindi doxyungz. Ciuq cam rox, aen dieggoek neix bineix 350 moux makitbwn gaeng baenz lo, bi 2018 sou ndaej makit ndip 20 fanh gaen, dij 50 fanh maenz, leihyinh 35 fanh maenz, gungh daiqdoengh ranzgungzhoj 31 ranz 152 vunz vut gungz baenz miz.

(Cough Vwnz/周雯)



▲Vunzmbanj haeuj suen makit bae leix mak.



▲Bouxhek haeuj suen mbaek makit.

Makit Miz Daegsaek Mbanjmyauz Yinx Hek Daeuj

Ndwen 8 ngoenz 10, Yungzsuij Myauzcuz Swciyen suen makit miz daegsaek hai suen mbaetsou angqcoux bouxhek daeuj, baenz roix baenz roix makit rongheingcing, cienz ok raq dem raq heiqhom, yinx ndaej haujlai bouxhek haeuj suen mbaet, cimz, yawjngonz, roxnyinh gij angqyangz fungsou, yiengjsouh gij gyaue doenghnaz.

Bi 2017 codaeuz, aen yienh neix aen suen daih'it 50 lai moux makit mbawluenz sawq ndaem baenz. Seizneix, dan loh neix, gujsuenq bi moux baenz makit daih'iek 2500 gaen, moux souhaeuj 2 fanh lai maenz. Aenvih cungj makit neix dingj ndaej nonhaih, mbouj yungh ywgajnon, ndaej dwk bwnh doh, couh ndaej baenz lai, caemhcai miz dingj ndaej nit, dingj ndaej bingh, mak baenz saed caeuq naih yo naih daehyinh, hom van, feih ndei baenz gwn daengj daegdiemj, ndaej bouxhek gyaezmaij.

(Lungz Linzci/龙林智)

Cingsih Si Vadung Cin Lwgnyez Gyajseizhwngq Hag Feihyiz

Mboengqneix, vih fung-fouq gij ndwenngoenz vwnzva gyajseizhwngq gyoengq lwgnyez, Cingsih Si Vadung Cin Gaivadung bouxswncienz feihvuzciz vwnzva yizcanj—Canghheiq Cwngh Siucenz bineix 86 bi haenx, son'gyauq lwgnyez guh daeng'va feihvuzciz vwnzva yizcanj mbouj aeu cienz, ndaej daengz gyoengq bohranz caeuq lwgnyez haenh.

(Vangz Anhcungh/黄安忠)



▲Bouxswncienz son lwgnyez guh daeng'va.

Lozcwngz: 220 Lai Boux Vunzguhnaz Doxdax Dinfwngz Baj Yienghndei



▲Canghdaeegyauej doxdax daet byoem.

doxdax neix gungh laeb miz canghdaeegyauej, dienhgong, canghdaj hanh, canghcaep, canghcoihci, canghdajcawj, canghguhgaue, bouxbaujan daengj hanghmoeg.

(Mungz Cwnghswh/蒙增师)

Ndwen 8 ngoenz 9, youq Lozcwngz Mulaujcuz Swciyen Cunghdwngj Conhyez Hagdangz, 220 lai boux vunzguhnaz daj daengx yienh 11 aen yanghcin caeuq ndaw singz gak hangzneib daeuj haenx caeuqfaenh Hozciz Si daihhaj gaiq vunzguhnaz doxdax dinfwngz (aen saigih Lozcwngz) baez senjleh doxdax, caezgya doxdax dinfwngz, cungfaen langhbaj le gyoengq vunzguhnaz mbanjbya Mulauj gaenx guh, gyaenz guh hong caeuq dinfwngz ak.